

**AGENCIJA ZA VODNO PODRUČJE RIJEKE SAVE
SARAJEVO**
Hamdije Čemerlića 39a, Sarajevo
t: +387 33 726 400
f: +387 33 726 423



**Trenutna situacija na poplavnim područjima Srednja i Odžačka Posavina-
vanredni izvještaj**

Saopštenje za medije – 15:00 sati

Sarajevo, 25.05.2014 godine

Vodostaji na većini vodotoka na vodnom području rijeke Save u Federaciji BiH su u blagom opadanju. Rast vodostaja bilježen je samo na VS Karanovac, rijeka Spreča i to za 37 cm za 12 sati (u periodu od 17 sati 24. maja do 07.sati 25.maja), a jutros od 07. sati se i na ovom mjernom mjestu bilježi trend smanjenja vodostaja. Porast vodostaja izazvan je padavinama koje su zahvatile dijelove prostora sliva rijeke Spreče nizvodno od brane Modrac.

Nivo rijeke Save takođe bilježi trend smanjenja vodostaja tako da je isto u proteklih 24 sata na mjernim mjestima bio:

Bosanski Brod	28 cm
Šamac	25 cm
Grebnice	24 cm
Županja	25 cm

Na poplavnim područjima Odžačka Posavina i Srednja Posavina provode se 24-satna dežurstva u cilju pojačanog nadzora i održavanja zaštitnih vodnih objekata i provode se neophodne mjere i aktivnosti. Provodi se stalni nadzor nad stanjem na probojima - oštećenim dijelovima nasipa na području Kopanica i Pruda.

Poplavno područje Srednja Posavina

Sa poplavnog područja Srednja Posavina evakuacija vode vrši na slijedeći način:

- crpna stanica Tolisa radi punim kapacitetom – 7 pumpi (ukupnog kapaciteta 15,7 m³/sec)
- putem dva gravitaciona ispusta na crpnoj stanici Đurići
- putem gravitacionog ispusta Tišina
- putem gravitacionog ispusta Dusine u naselju Krepšić gdje je u cilju pojačanog oticanja iz branjenog područja izvršen i proboj uz rijeku Tinju u dužini oko 20 metara
- Agencija je u večernjim satima 24 maja pustila u rad mobilnu pumpu kapaciteta 20 m³/minuti. Pored ove pumpe prepumpavanje poplavnih voda u rijeku Savu se vrši i putem nekoliko mobilnih pumpi većeg kapaciteta koje su kao ispomoć inozemnih institucija stavljene na raspolaganje Štabu civilne zaštite Orašje.
- voda iz branjenog područja otiče prema rijeci Savi i kroz proboj - oštećeni dio nasipa u Kopanicama

Nivo vode u ovom plavnom području na osnovu dostupnih podataka lagano opada tako da sniženje u području kasete Objeda (naselja Vidovice, Kopanice) iznosi oko 15 cm u poslednja 24 sata ,a oko 1,0 cm za poslednja 24 sata u području Sjeverna kasete (naselja Domaljevac-Šamac, Tolisa, Orašje).

Odžačka Posavina

Sa poplavnog područja Odžačka Posavina evakuacija vode se vrši na slijedeći način:

- gravitaciono isticanje na lokalitetima proboja – oštećenja Savskog odbrambenog nasipa na lokalitetu Prud
- putem gravitacionog ispusta Starača.
- na području Pruda Agencija je u jutarnjim satima 25.maja pustila u rad mobilnu pumpu kapaciteta 20 m³/minuti,
- trenutno se voda iz branjenog područja evakuše putem više mobilnih pumpi koje su tokom jučerašnjeg dana puštene u rad i to:
 - 1 pumpa od 2000 l/minut
 - 1 pumpa od 3000 l/minut
 - 2 pumpe po 5000 l/minut
- Crpna stanica Svilaj je pripremljena za rad.

-Sanirano je energetska postrojenje u Crpnoj stanici Zorice II koja je nešto prije 15,00 sati puštena u rad što će povećati evakuaciju voda iz branjenog područja za oko 5,0 m³/sec.

Procjenjeno sniženje nivoa vode u ovom poplavnom području je cca 40 cm/24 sata.

Direktor

Sejad Delić, dipl.inž.